



KENYATAAN / SIARAN AKHBAR

Untuk maklumat lanjut sila hubungi:
Bahagian Perkhidmatan Komuniti
Perbadanan Putrajaya
Tel: 03-8887 7538 Faks: 03-8887 5022

PERBADANAN PUTRAJAYA CIPTA REKOD MBOR TERJUNAN PERTAMA DARIPADA BELON HELIUM

PUTRAJAYA, NOVEMBER 5, 2016 – Perbadanan Putrajaya berjaya mencipta nama dalam Malaysia Book of Record (MBOR) sebagai kumpulan pertama melakukan terjunan pertama (*base jump*) daripada belon helium di Program Instameet “Snack n Style”.

Program yang julung kali diadakan ini adalah bagi mempromosikan **Putrajaya International Arts and Culture Festival (PIIACUF) 2016** yang dijadualkan pada **1 hingga 11 Disember 2016** di **Putrajaya International Convention Centre (PICC) Malaysia**. Kumpulan penerjun Perbadanan Putrajaya yang diketuai oleh **Encik Adi Khirman Marji** ini adalah simbol bagi mengingati tokoh Islam ternama yang dikenali sebagai **Abbas Ibn Firnas**, tokoh muslim pertama mencipta dan merasmi payung terjun pertama dunia.

Penganjuran Instameet dengan kerjasama Sky Rides Festivals Park Putrajaya diadakan pada **5 November 2015**, bermula daripada **9.00 pagi** hingga **5 petang** bertempat di **Sky Rides Park Putrajaya** adalah bertujuan mengumpulkan sebanyak 1,000 orang pengamal media sosial bagi berkongsi maklumat secara visual di media sosial untuk mempromosi keindahan Putrajaya sebagai pusat pentadbiran negara dan juga sebagai destinasi pelancongan utama di Malaysia. Program ini juga turut dihadiri oleh **YBhg. Datuk Seri Haji Hasim bin Haji Ismail, Presiden Perbadanan Putrajaya** bagi memberi sokongan dan menyaksikan sendiri rekod yang berjaya dicipta, seterusnya menerima sijil MBOR.

Selain daripada pensijilan MBOR, pelbagai pengisian turut diadakan antaranya *fashion show* yang memperagakan busana daripada pengusaha butik *online* dan pameran pakaian tradisional Bugis, Uzbekistan dan Iran sebagai *teaser* bagi penganjuran PIIACUF 2016. Turut diadakan pertandingan fotografi diantara pengamal media sosial yang hadir serta hadiah cabutan bertuah yang menarik.

Untuk maklumat lanjut, sila hubungi **Pn. Haryani Kaulan**, Penolong Pengarah Bahagian Komunikasi Korporat di talian 03-88877588 atau emel haryani@ppj.gov.my

(ROZIMAH BINTI WAHID)
Ketuan Penolong Pengarah
Bahagian Komunikasi Korporat
b.p. Presiden Perbadanan Putrajaya
Tarikh: November 2016

